

420

1436.

bruket hebbet unde em tho rechte thobehoret, vor ene summen gheldes, de uns degher unde al wol betalet ys, desse vorscr. kop stede unde vast to holden, al arghelyst unde nygevunde utgesproken. Welk erve unde güt Egtzyn vorscr., ghezunt unde mechtich lyves unde zynnes, umme zelycheyt syner unde zyner wrunde zelen hefft ghegheven unzen closter tor Munten vorscr. to bruken unde bekeren to des klosters beste. Wert over dat we dyt vorscr. erve alzo Tyarda hamryk anspreken ofte bekummeren wolde myt rechte, zo scholden unde wolden, scholet unde wylltet dat wederstân unde weren myt rechte, wy, her Ulbet vorscr., ghemenen broders unde unze nakomlynge buten schaden unde unkost des convents to Gemmyngum vorscr. In dessen vorscr. cop unde dedinge hebbet an unde over ghewezen Alricus de provest tho Hartzum,⁸⁾ her Kone curet tho Gemmyngum, her Gheltyko curet tho Bynnyngum, her Johan vicarius tho Gemmyngum, Egtzyn to Bunda, Hoytet tor Gast,⁹⁾ Erd Wylffs to Bynningum, Popko unde Emmo tho Bynningum unde anders vele guder lude ghenoch. Yn en orkunde unde warheyt desses vorscr. kopes, zo hebbe wy her Ulbet vorscr. van heten weghene unser brodere unsen conventes ynsegel hangen dan beneden to dessen breve, myt ynsegel heren Thomas provest tho Wener, heren Alykes provest tho Hartzum, heren Gheltikes kerkheren to Bynningum, Egtzyns to Bunda. Yn de yare unses Heren M^o CCCC^o XXXVI^o, up sunt Egidii dach des abbates.

Siegel: 1. Fehlt. 2. Ein Geistlicher in einer Nische; zu s. Füßen ein unkenntl. Wappenschild. Umschrift: eener (?). 3. Figur in einer Nische. 4. Fehlt. 5. Linksaufgerichteter Löwe. s. Egdsi Aild.

462.

5. September 1456.

Idem (sc. Deetlef Bremer, amptman tho Emeden) rursum eodem anno scripsit ad senatum Groningantum de conventu et colloquio Emdae designato et pacto inito thor Munte. Die Mercurii ante nativitatibus Marie.

Msc. Fol. 92 der Ostfries. Landschaft. fol. 16v.

⁸⁾ Hatzum, S. von Oldersum, links an der Ems.

⁹⁾ Tergast, O. von Oldersum.